

## «ԵՐԲ ՔՈՒՆԸ ՓՐԿՈՒԹՅՈՒՆ Է ԹՎՈՒՄ»

Տարիների հետ, ծերանալու հետ է, որ անընդհատ դառնում եմ երկրի պատկերին և ամեն երեկո, քնելուց առաջ մղձավանջի ննան Հայաստանի լանջափտը գալիս է առջևս: Եվ քունը փրկություն է թվում: Կուզենայի երկար-երկար քնել ու չարբնանալ, որպեսզի այդ մղձավանջը նորից դեմս չգա: Ավերված լանջեր, ավերված չափարներ, նորոգելու կարոտ տներ, վատ ճանապարհներ, թունավորված ջրեր - սա մի երկրում, որը ժամանակին ծաղկած երկիր է եղել: Կուզենայի երկիրս նորոգվեր, եղ հողագույն լանջերը կարողանայինք ծաղկեցնել, եղ չափարներն ու հնացած տները, աղտոտ գյուղերը, ավերված այգիները, թունավորված ջրերը - էս ամբողջը նորոգվեր, որպեսզի մեր երեխաները կյանքի գեղեցկությունը, էս անսահմանորեն գեղեցիկ աշխարհի հմայքը էս երկիրց և էս երկրում զգային և ոչ թե մուրացկանի պես աղքատ գրպանով Ամերիկա ընկնելով՝ Ամերիկայից գուրգուրեին ծաղկած երկրի պատկերն իրենց մեջ: Եվ եստեղից էլ իմ հայ հերոսները, որոնք իսկապես ինձ պարզերես են դարձնում պատմության առաջ, երկիրը ծաղկեցնողներ են, իմ հերոսները և զենքի մարդիկ են, և մտքի ու արվեստի տիտաններ, բայց այդուհանդերձ ինձ համար հայության համառության խորհրդանիշ է մնում սուրբ Ղազար կղզին, Մխիթար Սեբաստացի Աբբահոր աշխատանքը, եռանդը, շինած վանքը, բացած տպարանը, իր տարած լուսավորչական աշխատանքը: Այդ օրինակի տարբերակները, դրսևորումները ես տեսել են իմ մանկության տարիներին, իմ հողի վրա. մարդիկ, որոնք ծրի, ոչինչ չստանալով, թերևս ավելի ոչինչ, քան ճորտատիրության պայմաններում, ինչպես քարտաշ-վարպետները հոգևոր ու աշխարհիկ իշխանների համար ծրի աշխատելով՝ էտ վանքերն են բարձրացրել, եղ նույնը ես տեսա իմ հոր ու պապի մեջ: Նրանք կոլխոզի համար դարձյալ էնպես էին աշխատում, ինչպես Սեբաստացին սուրբ Ղազար կղզում, ու տեսել են նաև էն կորուստը, որ իմ սերունդը, իմ որդիների սերունդը ունի իր պապերի համեմատությամբ: Ցավում եմ, բայց հայրենասիրության էտ դրսևորումը մեզանում պակասում է: Երկիրը պետի շինվի, մենք մեր ճորտերը պիտի դառնանք ու էդպես դարձյալ աշխատենք: Շատ եմ ամաչում, երբ ասենք, իմ հայրենի գյուղում էս տարի որևէ մեկը խոտի պակասություն է գգում, խոտը չի հնձվել, եղ ժամանակ որտե՞ղ են եղել գյուղի զավակները. ցուցերի են եղել: Քեղափոխությամբ վերածնված, բոլորս մի տեսակ դարձել ենք իրապարակի հեռուսներ, երբ դա նույնպես մեծ աշխատանք պահանջող մի գործ է, և ամեն մի ծաղրածու չէ, որ իրապարակ պիտի գա: Շատերի

համար բերանը տրված է գուտ հաց ուտելու համար: Բայց ահա հրապարակ են գալիս, գրիչը ձեռքներն են առնում էն դեպքում, երբ գրիչն ավելի պատասխանատու, ավելի ծանր բան է, քան բահը: Բահը պիտի վերցնեն ձեռքը, բահը ձեռքին մշակի կերպարն են ես գուրգուրում... դրա համար պիտի կավեճք: Ես, ահա, գրիչս պիտի գցեմ, եթե դուք գրիչ եք վերցրել, ու դաշտ եմ զնալու: Չգիտեմ, չգիտեմ... Կուզեի խնամված խողեր տեսնել, խոզանցներ՝ որտեղից հոտ չգա, կուզենայի իմ երկրի, իմ հողի վրա ապրող երինջը նույնքան սիրուն ու խնամված լիներ, ինչքան Նորվեգիայում, ձիերը մաքուր լինեին, այգիները՝ խուզված ու չոր ճյուղերից զատված: Աշխատանք է պետք մեզ: Գլխավոր հերոսը աշխատանքն է լինելու, որն էսօր հրապարակում չկա: Ցավալիորեն, թեև որպես արդարացում է հնչում, մենք որդեգերել ենք մի հայեցակետ աշխատանքի նկատմամբ, որը մերը չէ, որսական դիկտատուրայի ռեժիմից է եկել, բանակային արդուկած շորերը հագները երեք էլ բահ չեն առնում իրենց ձեռքը, բայց նրանք ոռւս են, էսքան ու էսքան միլիոն բանակ ունեն: Նրանք ճորտատեր են յուրովի, և որու քո հրավունքով եդ ճորտատերը չես, իրավունք չունես որդեգրելու նրանց հայեցակետը, նրանց վարքը առ էս աշխարհը: Դու մշակ ես ծնվել հողի վրա ու մշակ էլ պիտի լինես դարձյալ իմ պապերի նման: Սա եմ ինձանից պահանջում և իմ որդիներից պահանջում:

Հեղափոխական էջֆորիայի մեջ ենք ենք, զառանցանքի, արբածության մեջ ենք, հայի մեր բացառիկ վիճակը էն օրինակները չունի, որ էս երևույթներին ավելի հանգիստ նայենք: Անհուսության, լրության, ճշշվածության դատապարտված լինելով, կարուտ ենք եղել ազատ խոսքի, մեր ձայնով մեր խոսքը ասելուն, և դա բերել է հեղափոխության և հեղափոխականների էն ռոմանտիզացին, որ կա մեզանում: Եթե ինքներս մեզ հաղթահարելով կարողանայինք երևույթներին մի քիչ վերևս նայել, պիտի անհօտեինք և հեղափոխականներին, և հեղափոխությունը: Մեր հեղափոխականներին, մեր հանդուգն տղաներին, մեր տեսորիստներին էնքանով միայն կարելի է արդարացնել, որ նրանց կողմից բրնությունը միայն պատասխան է, թշնամու պարտադրանք: Բայց էսօր պիտի ուղղակի ջանանք գորեղ լինել, ինքներս մեզանից ու մեր ճակատագրից մի քիչ վեր կանգնելու և սրափ նայելու իրականությանը: Ժողովրդի փրկության տեսակետից մաքսիմում կարծ ճանապարհը ընտրենք դեպի ինքնարուժում՝ աշխարհի մեջ տևելու համար... պիտի ջանանք հանգիստ նայել պատմությանը և էսօրվա իրականությանը: Երկիրը դարձյալ դարձնենք էս երկիրը, ինչ որ իրենց ազգային-ազատագրական հեղափոխությունները ապրած ժողովուրդներն ունեն: Բայց, նորից եմ ասում, մեր վիճակը մեզ

պարտադրում է են լինել, ինչ որ էսօր ենք, բայց ինչքա՞ն ենք տապակվելու և հեղափոխության մեջ, ես ցավի ճիշերի մեջ, ես ողբ ու կականի մեջ... դա մեզ շատ քիչ բան է տալիս... չգիտեմ... Դետո, մեր վիճակն էնքան է խախուտ, որ երևույթները որպես ինքնին գոյեր ոչ մեկը մեզանում ամբողջականորեն չեն կայանում: Եթե ազգամիջյան պատերազմ ենք որդեգրել, պատերազմի բոլոր օրենքներով պիտի մեր թշնամու դեմ կռվենք, եթե խաղաղություն ենք որոեգրել՝ խաղաղության օրենքներով պիտի ապրենք: Մեր ոչ պատերազմն է էսօր կայանում, ոչ խաղաղությունը. շատ ծանր վիճակ է դա՝ մեզ պարտադրված, իհնա թելադրողը դարձյալ թշնամին է: Թշնամու հետ պիտի իր լեզվով խոսես: Յայաստանը դարձրել ենք որբանոց. այս թշվառ մայրը, որ չի կարող իր որդիներին կերակրել, ևս 500 000 տարագիր է ընդունում՝ Աղրբեջանից բռնագաղթվածներին: Նրանցից պիտի զորք սարքվեր և պարտադրվեր Աղրբեջանին: Թուրքը մորով-մանկով է մեր դեմ կռվում, մենք էլ մեր մորով-մանկով պիտի կռվենք, փախստականներով պիտի կռվենք: Բռնագաղթվածները պիտի Ղարաբաղ գնային, որտեղ որ վտանգը էնքան էլ մեծ չի: Պատերազմի օրենքները մենք խախտում ենք, պատերազմի դեմ պատերազմ չենք անում, դրա համար էլ մեր շարժումը էսօր դատապարտված է անկումներից հետո դարձյալ անկումների գնալ: Գուցե մեր մարդասիրությո՞ւնն է խանգարում, չգիտեմ, բայց չգիտեմ սա՝ է ավելի մեծ վտանգ մեզ համար, թե են եկոլոգիական սուր կացությունը, որի առաջ էսօր կանգնած ենք և որը վաղն ավելի է սրբելու, աշխատատեղեր չունենք, արտադրական կարողություններ չունենք, որ եղած որդիներին կապի, պահի: Յիմա դրա վրա ավելացել է հինգհարյուրհազարանոց մի ժողովուրդ:

... Վեպը, որ գրվում էր, փետրվարյան դեպքով ընդիհատվեց, դրանից հետո ոչ մի տող չեմ կարող հավելել: Էնտեղ ծշգրիտ կյանքից եկող իմ վերաբերմունքը զարգացում էր ունենում: Պատանիների, ծերունիների, չեղած պետականության ռազմական գործիչների, Խորհուտների կերպարանքի մի քանի ժայթքումներ կամ մի պատանի, որ չխոնարհվողն էր, մի ծերունի, որ ծախողակ... Նրանք կայանում էին, բայց վեպը ընդիհատվեց:

... Չեղած պետականության մեր հերոսները... Երբ Գոգոլը կառքից կառք նստելով ամբողջ Եվրոպան ոտքի տակ էր առնում, բայց գրանքը դատարկ էր, գիտեր, որ Նիկոլայ Առաջին ցարը կա, իր համար փող կուղարկի: Էղանս էլ Եղավ: Նիկոլայը նրան վիթխարի դրամ ուղարկեց՝ թող պտտվի, թող Եվրոպան տեսնի: Ին թունանյանը էղ թագավորի վերաբերմունքը չի ունեցել, իր թագավորությունը չի ունեցել: Գուցե Մանթաշովը մի քիչ երես տված

լիներ... Իմ զորավորները պետականություն չեն ունեցել, իմ էն հայերը, բայց իրենք իրենց պահում են տիրակալություն ունեցող ժողովողի որդիների պես՝ կարծես թե պետական ֆորմայի մեջ ենք, կարծես թե թագավոր կա, և կարծես իրենց վարքը հանկարծ պետությանը կվնասի: Ինոնց մեջ դա կա, իմ պոետական զառանցանքը չէ: Ին Սեբաստացի Մուրադը եղան է կռվել, շքանշան չի սպասել ճակատամարտից հետո, իր հաղթանակից հետո: Իսկ, ասենք, թուրքի Դալի փաշան, թուրք-ռուսական ճակատամարտի հերոսը, որին Դալի էին ասում՝ խենթ, խելագար, այդուհանդերձ ենքան էլ խենթ չէր, որ ինքն իրեն մոռանար, գիտեր, որ ոսկե դաշույն է ստանալու, շքանշան է ստանալու և որ իրեն հաղթականար է սպասում: Ինոնց հաղթականար չի սպասել, պետականություն չեն ունեցել, բայց իրենց պահել են տիրակալության գորավարներ. ինոնց գեղեցկությունը որա է: Գուցե ինձ Տերյանի բանաստեղծությունն է մղել, չգիտեմ, ինոնք՝ էն ժամանակվա տղերքը իրենց եղերերգը հանձին Տերյանի բանաստեղծության զգացել են. դահիճների մթին շարքում մենակ ես մնալու... Բայց ինչ հոյակապ տղերք էին... սիրտս իսկապես Տերյանի ասած հեկեկանքով է լցվում, պատկերացնում եմ՝ որևէ հետախույզ, չեկիստ ընկապ թշնամական երկրում թշնամական հետախուզության ձեռքը: Պետությունն իսկույն ոտքի է կանգնում և նրան մի կերպ... գուցե մի նավ ոսկի է տալիս, գուցե կղզի է տալիս նրա դիմաց: Իմ ընկած տղերքը տերեր չունեն, բայց օտար դատարանի առաջ իրենց ենակնեն պահում, կարծես թե Աստված իրենց տերն է: Յինա պետք է, որ այդօրինակ զգացողությունը դառնա արմատական մեր մեջ: Պիտի երկրի տերը լինենք, որպեսզի եղախին լինենք: Երկրաշարժի ավերակները մերն են, 70 տարվա քայլայված երկիրը մերն է: Ես եկա են եղակացության, որ Ադրբեջանից եղքան հայերին հալածել փախցնելը հեշտ էր ոչ թե են պատճառով, որ մենք վախկու ենք և իրենք կտրիճներ, այլ որովհետև էր նարդիկ ենտեղ հողատերեր չեն, հեշտությամբ են հողը լրում: Ղարաբաղում ամեն գիշեր թուրքերը 10 անասուն են գողանում. ավելի գոր, դաժան երկրներում եղքան անասուն հեշտությամբ չեն տալիս, եթե էր անասունը իրենցն է և ոչ թե կոլխոզ-սովխոզինք: Երկու տարի էս տները փլատակ չին մնա. իմ փլատակը իմն է, իմ երկարուղին իմն է, իմ կովը իմն է, ես որանց կողքը պիտի կանգնեմ, սա իմ տունն է, ես ուրիշ տեղ շնչելու օդ չունեմ, ես ուրիշ տեղ հաց չունեմ. էստեղ եմ կանգնելու: Ազատության մասին է խոսքը: Բայց առայժմ մենք ճորտեր ենք, հոգեբանական կաշկանդվածությունից, իրավական կաշկանդվա-

ծությունից չենք կարողանում դուրս գալ, դեռ սպասում ենք... Եվ եթե հարցը ազատության մասին է, ապա սուվերեն հանրապետություն հօչակելու Ադրբեջանի արածը մեզանում որպես կրիմինալ դիտվեց, բայց, փաստորեն, նրանք մեզ համար տիպ են ստեղծել արդեն, ճամփա են բացել. այո, հետևիր իրեն, դա քայլ է դեպի ֆեդերացիա: Են, որ թուրքի նկատմամբ կոմպլեքսավորված ենք... Իսկապես, կոմպլեքսավոր ժողովրդի առաջ էդքան շուտ չեն վերանում սուլթանների բանադատածները, դեռ գնալու են երկար: Չգիտեմ... բայց փորկված բաներ ունենք, Զարենցը «Դանթեական առասպելը», թուրքի անուն չկա, չէ՝, դա մի տեսակ գորեղների ասպարեզ է, այդ ազգամիջյան հարաբերությունները զորեղների ասպարեզ է՝ Թունանյանի վերաբերմունքը, Իսահակյանի... Ժամանակակիցները, իենց անմիջապես եղեռնը կրողները, որոնք հետո անբողջ հոգսն են իրենց ուսերին տարել ժողովրդի բեկորները իրար վրա բերելու, նրանց վերաբերմունքի մեջ դեպի թուրքը շատ ավելի հանդուրժող, ըմբռնող բան կար, քան մեր, ու կարծես ավելի հավաք են եղել: Նշանակում է նրանք ավելի լիարժեք մարդիկ են եղել, ավելի լավ պայմաններում աճած մտավորականներ էին, քան մենք՝ սխալ ռեժիմի ծնունդներս՝ Աեղսիրտ, ըմբռնող, են գազազած ամբոխի մի մասն ենք և ոչ թե սանձահարող, կառավարող մասը: Ժամանակի մեջ գուցե մեզանից ընդունակները նրանց հետ քայլեն, իրենց նախնիների ժառանգը դարնան գուցե թե...